



Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Veluti Totidem Ramos
Distributa

Ilsung, Jakob

Dilingæ, 1693

Meditatio CCCLXXIV. De vili æstimatione nostrorum Operum.

[urn:nbn:de:hbz:466:1-60727](https://nbn-resolving.de/urn:nbn:de:hbz:466:1-60727)

sensiones , contentiones , rixas &c. s̄epe in diversa trahit. Gratias age Deo , quòd tibi dederit ipsâ utilitatis experientiâ capere Verbum istud : & ideo alacriter fer Jugum Christi , de quo ipse ait : *Jugum meum suave est.* Matth. II. v. 30.

PUNCT. III. *Sunt enim Eunuchi , qui de matris utero sic nati sunt : & sunt Eunuchi , qui facti sunt ab hominibus : & sunt Eunuchi , qui seipsostraverunt propter Regnum Cælorum.* v. 12. Per ultimos intelliguntur , qui ex Voti obligatione nequeunt licitè contra Continentiam agere. His autem in Præmium promittitur Regnum Cælorum , & specialis Laureola in Regno Cælorum , & Media efficaciora , ac securiora Regni Cælorum . Nam *Qui sine Vxore est , solicitus est , quæ Domini sunt , quomodo placeat DEO. Qui autem cum Vxore est , solicitus est , quæ sunt Mundi , quomodo placeat Vxori , & divisus est.* I. Cor. 7. v. 31. *Et Mulier innupta , & Virgo cogitat , quæ Domini sunt , ut sit Santa Corpore & Spiritu. Quæ autem Nupta est , cogitat , quæ sunt Mundi , quomodo placet Viro.* Ibid. Vide autem , quantò melius & facilius sit , placere Deo , quam homini ; & quantam studium Soli Deo placendi animi quietem pariat ; quantas vicissim studium placendi homini curas & solicitudines generet , & quam s̄epe frustretur.

MEDITATIO CCCLXXIV.

De vili aestimatione nostrorum

Operum. Luc. 17. v. 7.

PUNCTUM I. *Quis vestrum habens servum arantem , aut pascentem , qui regresso de agro dicat illi : Statim transi , recumbi*

recumbe: & non dicat ei: Para, quod cænem, & præcipe, & ministra mibi, donec manducem, & bibam, & post hæc tu manducabis, & bibes? Si ita deceat hominem cum homine agere, qui est ejusdem Naturæ, sed solum fatus & conditionis inæqualis, & intuitu exiguae mercatis temporalis; quantò magis pro Obsequijs Dei præstitis, non debemus statim velle accipere Refectionem aliquam, sive Spiritualem, nempe Gaudia & Slatia interna; sive temporalem, ut nimirum nostri labores, excolendis nostris & aliorum Conscientijs impensi, adeoque in agro Domini colendo, & Dominico Grege pascendo, tolerati, statim compensentur liberaliori cibo, & potu, vel extraordinarijs corporis solatijs? Itaque si labores, ærumnæ, molestiæ continua serie succedant, & multiplicentur, non fatigemur, non queramur, non Divina aut humana Solertia requiramus; sed tempus exspectemus, quo & nobis in Cæna Regni Cælorum recumbere, atque à laboribus requiescere liceat.

PUNCT. II. *Nunquid gratiam habet servus illi, quia fecit, quæ ei imperaverat? Non puto.* v. 9. Sic & nos pro Operibus in Obsequium Dei præstitis indignos nos censemus, ut Devs ullos extraordinarios Favores & Gratias nobis exhibeat; nec ab homine gratitudinem, aut laudem requiramus, ut Devs sic quasi per homines nobis gratias agat.

PUNCT. III. *Sic & vos cum feceritis omnia, quæ præcepta sunt vobis, dicite; servi inutiles sumus: quod debuimus facere, fecimus.* v. 10. Sic ergo vilipendenda sunt omnes actiones nostræ; quia ex una parte sunt Deo ad suam majorem Felicitatem prorsus inutiles, ex altera parte sunt Deo innumeris titulis debitæ, tan-

quam Creatori, Conservatori, Redemptori, Supremo Domino, continuo Benefactori maximo, & gravissimè à nobis & sæpiissimè peccatis læso. Unde, quid fecerimus, neandum, quantum debuimus, fecimus, sed modicum quid, summè illi debitum. Ideo omni Favore & Gratiâ adhuc indignos nos æstimesmus vi operis nostri; & omnia, quæ accipimus, Divinæ Misericordiæ & Munificentia in acceptis referamus.

MEDITATIO CCCLXXV.

*Parabola Pharisæi arrogantis,
& Humilis Publicani. Luc. 18. v. 9.*

PUNCTUM I. *Dixit autem ad quosdam, qui in se confidebant tanquam Justi, & aspernabantur cæteros, Parabolam istam. Duo homines ascenderunt in Templum, ut orarent: unus Pharisæus, & alter Publicanus. Pharisæus stans, hec apud se orabat: DEVS gratias ago tibi, quia non sum, sicut cæteri hominum; raptiores, iniusti, adulteri, velut etiam hic Publicanus. Jejuno bis in Sabbato (id est, in hebdomade, unde dies numerabantur, prima Sabbati, secunda Sabbati) Decimas do omnium, quæ possideo. Luc. 18. v. 9. Considera, hic à Christo describi hominem Superbum, qui licet dicendo: DEVS, gratias ago tibi &c. omnia sua bona Gratiaæ Divinæ adscripserit (aliias enim non tantum Superbus, sed etiam Hæreticus fuisset) tamen non Humilis, sed Superbus erat; quia adhuc sibi de suis bonis complacuit, seipsum & sua æstimavit, & alijs prætulit. Unde tales de Superbia reprehendit S. Paulus i. Cor. 4. v. 7. Quid autem*